



66016

說略卷之十三

天津圖

江寧顧起元太初輯

典述中

書朝贈

書朝贈

左傳士會自秦歸晉繞朝贈之以策云子勿謂秦無人吾謀適不用也策如布在方策之策蓋書也其下云云即策文也蓋士會將歸繞朝諫止之而秦君不聽及其行也又難顯言故贈以策書云云見秦之有人使歸晉而不敢謀秦也今以為鞭策非也劉勰文心彫龍曰繞朝贈士會以策子家與趙宣以書巫臣之遺子反子產之諫范宣詳觀四書辭若對面據此則豈鞭策乎李白詩臨行將贈繞朝鞭詩人趣韻之誤耳

說略

卷之十三

一

劉歆曰左氏丘明好惡與聖人同親見夫子而公羊在七十子之後司馬遷曰孔子作春秋丘明為之傳班固藝文志曰丘明與孔子觀魯史而作春秋杜預序左傳亦云左丘明受經於仲尼詳諸所說皆以左氏為丘明無疑矣至唐啖助趙匡獨立說以破之啖助曰論語所引丘明乃史佚遲任之類左氏集諸國

史以釋春秋後人謂左氏爲丘明非也趙氏曰公穀皆孔氏之後人不知師資幾世左丘明乃孔子以前賢人而左氏不知出於何代今以左氏傳質之則知啖趙非矣也左氏中紀韓魏知伯之事又舉趙襄子之謚則是書之作必在趙襄子旣卒之後若以爲丘明自獲麟至襄子卒已八十年矣使丘明猶能著書今時不應孔子旣沒七十有八年後丘明猶能著書今左氏引之則左氏爲六國人在趙襄子旣卒之後明驗一也左氏戰於麻隧秦師敗績獲不更女父又云

說略

卷之十三

二

秦庶長鮑庶長武帥師及晉師戰於櫟秦至孝公時立賞級之爵乃有不更庶長之號今左氏引之是左氏爲六國人在秦孝公之後明驗二也左氏云虞不臘矣秦至惠王十二年初臘鄭氏蔡邕於周卽蜡祭諸經並無明文惟呂氏月令有臘先祖之言今左氏引之則左氏爲六國人在秦惠王之後明驗三也左氏師承鄒衍之誕而稱帝王子孫按齊威王時鄒衍推五德終始之運其語不經今左氏引之則左氏爲六國人在齊威王之後明驗四也左氏言分星皆準

堪輿按韓魏分晉之後而堪輿十二次始於趙分曰  
大梁之語今左氏引之則左氏爲六國人在三家分  
晉之後明驗五也左氏云左師展將以公乘馬而歸  
按三代時有車戰無騎兵惟蘇秦合從六國始有車  
千乘騎萬匹之語今左氏引之是左氏爲六國人在  
蘇秦之後明驗六也左氏序呂相絕秦聲子說齊其  
爲雄辯狙詐真游說之士裨闔之辭此左氏爲六國  
人明驗七也左氏之書序秦楚事最詳如楚師慚猶  
拾藩等語則左氏爲楚人明驗八也據此八節亦可  
說略

卷之十三

三

以知左氏非丘明是爲六國時人無可疑者

三代正禮殘缺無復能明禮記一書出自孔氏七十  
二子各撰所聞或錄舊禮之義或述變禮之由或兼  
記體履或雜叙得失編而錄之以爲此記漢興記數  
萬言於后蒼號曲臺雜記河間獻王得舊禮一百三  
十一篇集而上之又有明堂陰陽記三十一篇孔子  
三朝記七篇王氏史氏記二十一一篇王史二氏戰國  
時人樂記三十二篇凡五種合爲三百十四篇大戴  
刪爲八十五篇小戴刪爲四十六篇至馬融又益以

明堂位月令樂記三篇爲四十九篇行於世謂之禮記禮記一書曲禮論撰於曲臺而不及五禮之大本述於博士而盡失先王之大意月令摘於呂覽而錄秦世之官緇衣本乎尼子而改魯論之文而增損之禮運載夫子之說有虧於名教經解引易之緯書而嘗帝之說多牽夫子之諸論明堂位論周公踐阼世世祀以天子禮樂檀弓載舜葬蒼梧夫子墓馬鬣封之類皆流俗妄語儒行如後世游說之士所誇大者玉藻一篇顛倒錯亂且不可以句讀內則載養老三說略

卷之十三

四

十餘語其文全與樂記同

儒行不隕穫於貧賤晏氏曰隕如籜之隕而飄零穫如禾之穫而枯槁穫之從禾是矣而隕之爲籜則何取乎隕從阜員聲從高而下也易曰有隕自天公羊星實如雨此隕字之義也若曰如阜之隕而頽落斯得其義矣

禮記前有車騎則載飛鴻魏鶴山云六經無騎字禮記亦漢世書耳又左傳昭公二十五年左師展將以公乘馬而歸公徒執之注展魯大夫欲與公俱輕歸

乘如字騎馬也輕遣正反正義曰古者服牛乘馬馬以駕車不單騎也至六國之時始有單騎漢初猶有車戰見夏侯嬰傳高祖之敗彭城去滎陽出成臯皆以數十騎遁去而鴻門之會棄車騎獨騎一馬樊噲四人步從以免其非危迫時往往夏侯嬰中御車高祖在左樊噲乘爲右未嘗廢車也方萬里古今考反覆千餘言今撮其要如此

大戴禮武王踐祚三日召師尚父而問曰黃帝顓頊之道存乎意亦不可得而見與師尚父曰在丹書其

說略

卷之十三

三

言曰敬勝怠者吉怠勝敬者滅義勝欲者從欲勝義者凶注不解丹書爲何物按左傳襄公二十三年欒豹隸也著於丹書注犯罪沒爲官奴以丹書其罪近世魏律緣坐沒配爲工樂雜戶者皆用赤紙爲籍其卷以鉛爲軸此亦古人丹書之遺法據此則丹書古人之法律書名也

禮記緇衣引葉公之顧命曰母以小謀敗大作母以嬖御疾莊后母以嬖御士疾莊士大夫卿士注以葉公爲沈諸梁按汲冢周書此文在祭公解蓋祭公疾

革時告穆王之言祭字誤作葉耳

孔穎達禮記疏案鄭目錄云名曰月令者以其記十二月政之所行也本呂氏春秋十二月紀之首章以禮家好事抄合之後人因題之周公所作其中官名時事多不合周法今申鄭旨什之按呂不韋集諸儒著爲十二月紀名爲呂氏春秋篇首皆有月令與此文同是一証也又周無太尉唯秦官有太尉而此月令乃云命太尉是官名不同周法二証也又秦以十月建亥爲歲首而月令云爲來歲受朔日是九月爲

說略

卷之十三

六

歲終十月爲朔此是時不合周法三証也又周有六冕郊天迎歲則用大裘乘玉輅建太常日月之章而月令服飾車旗並依時色此是事不合周法四証也故鄭氏云云然按秦始皇十二年不韋死二十六年并天下然後以十月爲歲首歲首用十月時不韋已死十五年而不韋不得以十月爲正又周書先有月令何得云不韋所造又秦并天下立郡縣何得云諸侯又秦好兵殺害毒天下何能布德行惠春不興兵旣如此不同鄭必謂不韋作者以呂氏春秋十二月

紀正與此同不過三五字別且不韋集諸儒所作爲  
一代大典但秦自不能遵行耳柳子厚曰夏后周公  
之典逸矣信然哉

五代廣順中高麗進別叙孝經一卷記孔子所生及  
弟子從學事又有孝經雌圖說日之環暈星之彗字  
宋乾道中南詔使者見廣南人言其國有五經廣註  
春秋後語三史加注張孟押韻集聖曆諸書歐陽公  
日本刀歌徐福行時經未焚逸書百篇今尚存令嚴  
不許傳中國舉世無人識古文由此觀之則尚書全  
說略

卷之十三

七

文日本國尚有之也可見古書有在四夷者

蔡邕以漢靈帝熹平四年與五官中郎將高堂谿典  
禪議郎張訓韓說太史令單颺奏求正定六經文字  
靈帝許之邕乃自書丹於碑使工鐫刻立於太學門  
外此初刻也魏正始中又立古篆隸三體石經古文  
用鳥跡科斗體篆效史籀李斯胡母敬體隸用程邈  
體晉永嘉中王彌劉曜入洛焚毀過半魏世宗神龜  
元年從崔光之請補石經唐天寶中刻九經於長安  
禮記以月令爲首從李林甫請也五代孟昶在蜀刻



九經最爲精確是時僭據之主惟梟有文學而蜀不受兵又饒文士故其所製獨善朱子論語註引石經者謂子孟蜀石經也宋淳化中刻於汴京今猶有存者考舊說有云漢靈帝光和六年刻石鏤碑載五經文於太學講堂之前此初刻也而以蔡邕書丹刻石爲再刻按袁宏漢紀止載熹平四年春三月五經文字刻石立於太學之前後六年方改元光和而光和六年無刻經事此乃以光和爲初刻熹平爲再刻知其所記之誤矣

說略

卷之十三

八

蔡邕石經今已堙滅按邕鐫刻七經著於石碑有所檢据隱括其失而周盡當時號鴻都三字其異文者附見纔三十年繼遭兵火碑亦損缺魏正始中又立一字石經相承以爲七經正字後魏遷石經於鄴魏末齊神武自洛陽徙於鄴都河陽岸崩遂沒於水其得至鄴者殆不得其半周大象中詔徙鄴城石經於洛時爲軍人破毀至有竊載還鄴者船壞沒溺不勝其衆也其後得者盡破爲橋基隋開皇六年自鄴京載入長安置於秘書內省議欲補緝立於國學會亂

遂廢營造之司用爲柱礎貞觀初魏徵始收聚之十  
不一存其相承傳拓之本猶在祕府按石經在元魏  
時尚書公羊傳十六碑存十二碑毀禮記十五碑悉  
壞但存諫議大夫馬日磾議郎蔡邕名是石經不盡  
爲邕如馬日磾輩相與成之又按稽紹趙至叙曰至  
在太學看先君寫石經古文是稽康亦有石經不知  
卽魏一字石經否世第知邕不知日磾且不知稽康  
有書石經事亦缺典也

說略

卷之十三

九

道知後世不能稽同其意故別作緯書以遺來世今  
考其書易緯則有乾鑿度坤靈圖稽覽圖通卦驗辯  
終備是類謀凡六篇書緯則有考靈曜璇璣鈴刑德  
放帝命驗運期授凡五篇詩緯則有推度災紀曆樞  
含神霧凡三篇禮緯則有斗威儀含文嘉稽命徵凡  
三篇樂緯則有動聲儀稽耀嘉叶圖徵凡三篇孝經  
緯則有援神契鉤命訣凡二篇春秋緯則有元命包  
說題辭保乾圖漢含孳演孔圖運斗樞文耀鉤感精  
符合誠圖考異郵佐助期握誠圖潛潭巴凡十三篇

是爲七緯共三十五篇則於漢儒所傳孔子演七經之緯三十六篇者已逸其一太平御覽諸書所載又有論語緯摘輔象撰考識書緯帝驗期禮緯稽命耀春秋緯命曆序孝經緯左方契威嬉拒及河圖九篇洛書六篇與七緯共爲八十一篇然乾鑿度外又有乾坤鑿度魏伯陽所作參同契亦爲易緯而說者以其入於道家遂不列於緯書之目而尚書中候論語識亦不與八十一篇之數則漢之爲緯書者不止八十一篇已也其書實不出於孔子蓋漢武購求遺書

說略

卷之十三

十

當時儒者多僞作以應命孔安國毛公輩皆目以爲妖妄哀平之世夏賀良之徒又增爲之王莽謀篡漢因符命以濟其奸光武中興復以赤伏爲援於是其書始行當時張衡桓譚力爭之而不能也賈逵以此論左氏曹褒以此定禮樂京房翼奉以此言易鄭玄何休又以此談經末流旣濫不可復障先是毛公孔安國諸人因魯恭王河間獻王所獻表而章之謂之古學至魏王肅註釋孝經推引古學王弼杜預從而和之宋大明中始禁識緯之書及隋末搜天下書籍

與讖緯相涉者悉焚之而緯書稍戢至唐以來則李  
淳風輩專明讖學而孔穎達作九經正義亦多引緯  
書以證其說是時唐志所存緯書尚有九部四十八  
卷蓋亦不能障其流也至宋歐陽公魏鶴山輩刪而  
正之而緯學始息然鶴山所作九經要義多引孔穎  
達正義之說則亦豈能盡斥而遠之哉本朝王子  
充以爲緯書盡亡今所存者惟易緯乾鑿度不知六  
經緯書世尚有繕寫之者不止一乾鑿度已也

按讖緯前所記未備者易又有坤鑿度運期讖乾元  
說略

卷之十三

十一

序制記書又有期中候洛罪級春秋又有演義圖玉  
版讖孝經又有中黃讖論語又有素王受命讖比考  
讖河圖有會昌符括地象稽曜鉤握拒起帝通紀叶  
光篇著命篇揆命篇洛書有甄曜度寶號命錄運期  
共二十一種大都此等多係漢人僞作東漢人所著  
書如參同契之名皆三字其爲假托者多難可斷決  
也

諸子儒家則有晏子春秋

齊晏嬰

荀子

楚荀況

羊子四篇

秦博士

徐子四十二篇

宋外黃人

魯仲連子漆雕子十三

羊百章

篇開之後 宓子十六篇子思子二十三篇景子三篇子

華子曾子十八篇參世子名碩陳人七十子之弟子公孫尼子芋

子齊人甯子一篇越公孫子一篇固王孫子孔叢子

侯子或作侔子董子李氏春秋虞氏春秋陸子賈新語

劉子敬賈子誼秦子何子劉子梁劉勰一曰乃賈山

子董子仲舒兒子寬公孫子弘終軍八篇吾丘壽王

六篇新序說苑二書俱楊子法言雄韋卿子彪潛夫

論後漢申鑒荀悅魏子後漢會稽魏朗牟子後漢太尉融中論魏徐幹

王子正論王肅萬機論蔣濟去佞論王粲體論魏杜恕篤論志

說略 卷之十三 十二

林虞喜述政論裴元誓論張儼顧子新語吳太常譚新言裴元新義

劉廐袁子正論袁準華譚新論顧子義訓晉揚州主簿夷崔子至

言文中子王通賈子開元中元子結元和子杜信伸蒙子

唐林慎思冀子冀重傅子晉司隸校尉玄鯁子趙鄰素履子唐張弘東

莞子樊子樊宗師道家則有伊尹五十一篇太公二百

三十七篇辛甲二十九篇廣成子老子莊子鬻子列

子文子娟子老成子長盧子王狄子公子牟田子黔

婁子宮孫子關尹子鶡冠子老萊子十二篇孫子捷

子曹羽郎中嬰齊十二篇臣君子鄭長者楚子淮南

鴻烈解莊成子蹇子唐子吳唐蘇子晉中郎參宣子

晉宣城陸子雲幽求子杜夷抱朴子葛洪符子東晉員外郎賀

子宋太學博士道養少子齊司徒長史張融無名子張太衡玄子亢倉

子唐世說庚桑子代無其書開元末襄陽處士王源著二卷以補之無能子同光子

劉無待玄真子張志和達觀子淨佳子蕭子良天隱子司馬承禎

元中子杜登輝元笏子瑤瑛黃石子齊丘子法家則管

子李子三十二篇商子慎子到處子趙韓非子游棣

子晁氏新書漢御史大夫錯崔氏政論漢尚書寔劉氏法論魏劉劭

桓氏世要魏大司農桓範陳子要言吳豫章太守融譙子法訓周名

說略 卷之十三 十三

家則有鄧析子春秋鄭大夫尹文子周處士公孫龍子成公

生五篇惠子一篇黃公四篇毛公九篇墨家則有尹

佚墨子隨巢子胡非子二子皆墨翟弟子董子戰國董無心我子

田侏子縱橫家則有蘇子張子龐煖二篇闕子國筮

子蒯子鄒陽主父偃鬼谷子補闕子梁元帝雜家則有

大禹孔甲盤孟伍子胥子晚子由余尸子秦相衛鞅上客尸伎

呂氏春秋淮南子東方朔吳子公孫尼子解子金樓

子梁元帝農家則有神農野老宰氏范子計然宰氏董

安國尹都尉書趙氏王氏蔡蔡汜勝之漢議郎農子王

小說家則有伊尹說鬻子說周考師曠務成子宋子

黃帝說虞初周說燕丹子青史子宋王子郭子

晉中郎澄

猗犴子

元結

乾牒子

溫庭筠

兵家則有司馬穰苴子孫子

吳子

起

尉繚子

魏惠王時人

樵子韋子

楊龜山云述而不作信而好古竊比於我老彭老老

子也老子五千言以自然爲宗謂之不作可也朱子

曰某亦疑此語只以曾子問中言禮數段證之卽述

而不作信而好古皆可見聃周之史官掌國之典籍

三皇五帝之書如五千言亦或古有是語而老子傳

說略

卷之十三

十四

之未可知也蓋列子引黃帝書卽老子谷神不死章

也此說見朱子大全答汪尚書書按佛經三教論曰

五千文者容成所說老子爲尹談蓋述而不作又按

莊子引容成氏曰除日無歲無外無內則容成氏固

有書矣老子述而不作此其明證

老子服文采帶利劍厭餘食而資貨有餘此之謂盜

竽韓非解云竽也者五聲之長也竽唱則衆樂皆和

大盜唱則小盜和故曰盜竽今本誤作盜夸則無意

義矣

內篇斷非莊生不能作外篇雜篇則後人竄入者多之噲讓國在孟子時而莊文曰昔者陳恒弑其君孔子請討莊子身當其時而胠篋曰陳成子弑其君子孫享國十二世卽此推之則秦末漢初之言也豈其年踰四百歲乎曾史盜跖與孔子同時楊墨在孔後孟前莊子內篇三卷未嘗一及五人則外篇雜篇多出後人可知又封侯宰相等語秦以前無之且避漢文帝諱改田恒爲田常其爲假託尤明矣

文中子動以孔子爲師其見地甚高志甚大或以摸說略

卷之十三

十五

擬太過病之非也此如世人有所慕悅則其舉止言動不覺盡似之以其精神所注故也不然詩祖李杜文祖遷固未有非之者獨訾文中子之法孔子宋咸作駁中說謂文中子乃後人所假託實無其人則幾於瞽說矣王績有負苓者傳陳叔達有答王績書曰賢兄文中子恐後之筆削陷於繁碎宏綱正典暗而不宣乃興元經以定真統陸龜蒙送豆盧處士序亦曰昔文中子生於隋代知聖人之道不行歸河汾間修先君之業後司空圖皮日休俱有文中子碑五子



皆唐人言之鑿鑿如此咸獨臆斷其無可乎宋龔鼎臣嘗得唐本中說於齊州李冠家蓋中說之行久矣陳同父類次文中子云十篇舉其端二字以冠篇篇各有序惟阮逸本有之又阮龔二本時有異同如阮本曰嚴子陵釣於湍石爾朱榮控勒天下故君子不貴得位龔本則曰嚴子陵釣於湍石民到於今稱之爾朱榮控勒天下民無得而稱焉龔本曰出而不聲隱而不沒用之則成舍之則全阮本則因董常而言終之曰吾與爾有矣豈逸不無增損於其間遂啓後說略

世之疑邪

莊子曰各有義則之謂性此卽詩烝民之旨也後人未易可到賈誼曰少成若天性又曰性者神氣之所會性立則神氣曉曉然發而通行於外矣與外物之感相應故曰潤厚而膠謂之性其所謂潤厚而膠者今人名物之堅者曰有性不堅者曰無性之謂也王輔嗣曰不性其情何以久行其正禮運記曰六情所以扶成五性也孝經緯曰魂者芸也情以除穢魄者白也性以治內趙臺卿曰性情相與表裏啖助曰情

本性中物韓嬰曰卯之性爲雛不粥不孚則不成爲雛鷓之性爲絲不淪不練則不成爲絲陳搏曰情者性之影也其諸說與宋儒異而特妙矣

爾雅詩訓詁也子夏傳詩者也子夏輩六十人纂先師微言爲論語論語中言詩者多矣子夏獨能問逸詩晦庵讀詩綱領述論語十條而終之子夏傳記中言子夏嘗傳詩今所存者詩大小序小序又非盡出子夏故曰爾雅卽子夏之詩傳也疏言釋詁周公所作今其中一字二字者姑弗論謔浪笑傲變風詩焉說略

卷之十三

十七

得周公釋乎支于九州五方四極狒狒猩猩之類詩無其文者或叔孫通所益梁文所補要之傳詩者十九且爾雅有釋詁釋訓毛公亦以其傳詩也故其解詩錯取爾雅之名題曰詁訓傳則爾雅之傳詩毛公固謂其然矣

爾雅疏云爾近也雅正也謂其近於正也此妄說也雅可以訓正爾不可以訓正邇可訓近而爾非近也按說文爾从彡爲義从爾爲聲麗爾也麗爾之爲言猶靡麗也漢人有此語三蒼解詁云爾云華繁也詩

曰彼爾維何維常之華本草紫萁一名月爾卽今紫  
蕨也其芽拳曲繁盛故名月爾雅之爲言取義於烏  
烏有善德曰雅也古人以嗚呼爲歎辭則雅爲正音  
可知然則爾雅之云猶麗則之云也漢書文章爾雅  
訓辭深厚以爾雅與深厚爲對固知當解爲麗則而  
不可解爲近正也

世說之名不起於臨川劉向六十七篇中已有此目  
其書今亡臨川因錄後漢至江左名士佳語亦謂之  
世說本題爲世說新書劉子玄史通中以此名段成  
說略

卷之十三

十六

式引王敦澡豆事以證陸暢事爲虛亦云近覽世說  
新書而今本謂之新語不知孰更名之也

劉子玄史通所載古今正偏史今多不存澹園先生  
筆乘常載之中如晉春秋竹書紀年陸賈楚漢春秋  
譙周古史考荀悅漢紀張璠漢紀謝沈漢書司馬彪  
續漢書袁宏後漢紀華嶠後漢書東觀漢記習鑿齒  
漢晉春秋晉孔衍漢尚書後漢尚書魏尚書王沈魏  
書項峻吳書韋曜吳書魚豢魏略孫盛魏氏春秋王  
隱刪補蜀紀張勃吳錄王隱晉書沈約晉書孫盛晉

陽秋千寶晉紀何法盛晉中興書陸機晉書臧榮緒  
晉書鄧粲晉紀檀道鸞續晉陽秋徐廣晉紀王劭晉  
書裴子野宋略沈約齊紀吳均齊春秋何之元劉璠  
梁典姚察梁書姚最梁後略書裴政梁太清實錄蕭  
韶太清紀蔡允恭後梁春秋公師或十六國史鄴都  
紀和苞漢趙紀杜輔全錄燕紀董統燕史王景暉南  
燕錄常璩蜀李書索綬涼國春秋張重華涼紀索暉  
涼書劉昞涼書又有燉煌實錄裴景仁秦記馬僧虔  
秦史衛隆景秦史姚和都秦紀崔鴻十六國春秋王

說略

卷之十三

十九

劭北齊志杜臺卿齊紀牛弘周書王劭隋書顏師古  
隋書張太素隋後略皇覽玄晏帝王世紀韋昭洞記  
陶弘景帝王年歷虞世南帝王略論梁武帝通史元  
魏濟陰王暉業科錄晉樂資春秋後傳孔衍春秋後  
國語司馬彪九州春秋梁世子蕭方等三十國春秋  
于令昇史議漢武帝禁中起居注馬皇后撰明帝起  
居注樂資山陽公載記王韶晉安陸記姚梁後略王  
粲漢末英雄記劉向列女傳神仙傳杜預列女記梁  
鴻逸民傳趙採忠臣傳徐廣孝子傳稽康聖賢高士

傳皇甫謐高士傳戴逵竹林七賢論楊雄蜀王本紀  
圈稱陳留耆舊傳周斐汝南先賢行狀陳壽益部耆  
舊傳張方楚國先賢傳梁元帝懷舊志盧思道知己  
傳郎餘令孝子後傳梁元帝同姓名人錄妍神記蕭  
大園淮海亂離志汲冢璣語和嶠汲冢紀年葛洪西  
京雜記三輔黃圖宋孝王關東風俗傳宋南徐州記  
晉官闕名隋東都記揚銜之洛陽伽藍記馬溫鄴都  
故事趙岐三輔決錄沈瑩臨海水土記周處陽羨風  
土記桑欽水經盛弘之荊州記常璩華陽國志虞溥  
說略

卷之十三

二十

江表傳虞預會稽典錄辛氏三秦志羅含湘中記潘  
岳關中記陸機洛陽記建康宮殿記姚察西征記撰  
茗酪記楊雄家諫謝承家語荀氏家傳摯虞姓族記  
兩主百家譜殷敬世傳孫氏譜記陸宗系傳楊子山  
哀牢傳顧協瑣語謝綽拾遺劉義慶世說新書裴榮  
期語林孔思尚語錄楊松珍談藪郭子橫洞冥記王  
子年拾遺記劉劭人物志祖鴻勳晉詞記陸景典語  
劉勰文心雕龍李充翰林論摯虞文章流別集阮孝  
緒七錄祖台之志怪干寶搜神記劉義慶幽明錄劉

敬叔異苑邯鄲淳笑林劉芳周官音禮記音

劉孝標注世說自漢魏吳諸史子傳地理之外如晉氏一朝諸史及諸公列傳譜牒文章凡一百六十六家皆出正史之外此又齊梁以上書也譜牒別傳姑不暇及餘書亦疏其目已見史通者不載薛瑩後漢書劉向別錄環濟吳紀梁祚魏國統紀曹瞞傳魏末傳朱鳳晉書虞預晉書劉謙之晉紀後略曹嘉之晉紀晉惠帝起居注晉安帝紀晉百官名晉諸公贊摯虞世本車頻秦書趙書袁敬仲正始名士傳又海內

說略

卷之十三

二十一

名士傳劉義慶江左名士傳魏明帝時撰海內先賢傳皇甫謐逸士傳蕭廣濟孝子傳張隲文士傳華嶠譜叙晉世譜杜篤新書郭頒魏晉世語盧綝晉八王故事高逸沙門傳名德沙門題目衛禹永嘉流人名周祇隆安記漢南記荀綽兖州記三秦記丹陽記諸葛穎揚州記陳留志萬震南州異物志襄陽記雷次宗豫章舊志張僧鑒潯陽記張資涼州記西河舊事鄭緝之東陽記永嘉記賀循會稽記鍾離岫會稽後賢記洛陽宮殿簿神農書劉向五經通義文字志文

章叙錄摯虞文章流別志殷淳婦人集虞通之妒記  
青烏子相冢書相牛經

又裴松之注三國志亦旁引諸書史稱與孝標之注  
世說可爲後法今觀其所載如孫盛異同雜語孫盛  
雜記袁曄一名曄獻帝春秋魏武故事獻帝起居注  
李氏海內先賢行狀衛恒四體書勢序傳子魚豢典  
略劉艾靈獻二帝紀張華博物志魏文帝典論顧愷  
之啓蒙注孔衍漢春秋後漢春秋魏春秋傳暢漢諸  
公贊獻帝記漢末名士錄司馬彪戰略零陵先賢傳

說略

卷之十三

二十二

魏末傳山濤啓事皇甫謐列女傳荀綽九州記袁氏  
世紀博物記陸氏異林胡冲吳歷列異傳陰澹魏紀  
袁子摯虞決疑要注魏名臣奏事管輅烏鳴書易林  
風角書陳壽益州耆舊雜傳記葛洪神仙傳李軌晉  
泰始起居注諸葛氏集吳大鴻臚張儼默記蔣濟萬  
機論譙周定法訓五經論蜀本紀殷基通語楊戲季  
漢輔臣贊虞喜志林王隱交廣記韋昭官職訓辯釋  
名以上皆正史之外采擇入注酈道元水經注亦多

引異書聊備疏之如山海經春秋說題辭釋名春秋

考異郵春秋元命苞管子莊子孝經援神契桓譚新  
論徐幹齊都賦應劭風俗通班固白虎通爾雅楊泉  
物理論郭緣生述征記括地圖穆天子傳命歷序握  
河紀淮南子釋氏西域志郭義恭廣志康泰扶南傳  
法顯傳支僧載外國事竺枝扶南記竹書紀年周處  
風土記東方朔十洲記東方朔神異經遁甲開山圖  
成公子安大河賦西河舊事涼土異物志史記應劭  
地理風俗記黃義仲十三州記段國沙州記秦州記  
劉向神仙傳晉書地道記范曄後漢書闕駟十三州

說略

卷之十三

二十三

志世本徐廣史記音義魏土地記禮三朝記虞氏記  
東觀漢記博物志汲郡古文京房易妖占穀梁春秋  
傳晉太康地記潘岳西征賦三秦記揚雄河東賦公  
羊春秋傳衛恒叙篆漢晉春秋太原地記左傳戰國  
策搜神記司馬彪郡國志袁崧郡國志帝王世紀郭  
頌世語論衡張景陽玄武觀賦呂氏春秋應瑒虛河  
賦曹大家東征賦劉澄之永初記續漢書乾鑿度京  
房易傳劉楨黎陽山賦孟氏記戴氏西征記晉八王  
故事桑欽地理志圈稱陳留風俗傳李肅三齊略記



廣雅王肅喪服要記詩譜孔叢子神農本草盧諶征  
艱賦皇覽馬淵郡國志應劭漢官儀孫子荆故臺賦  
家語袁宏北征賦伏鞞北征記車頻秦書晏謨齊記  
伏琛齊記繁休伯避地賦韓詩外傳魚豢典略袁彥  
伯竹林七賢傳墨子上黨記劉歆遂初賦韓詩外傳  
趙記盧緝四王起事班叔皮遊居賦燕書魏文帝述  
征賦陸翽鄴中記獻帝春秋魏武登臺賦左思魏都  
賦劉劭趙都賦晉劉或長沙舊傳傳逮述遊賦中山  
記王隱晉書李彤上古聖賢冢地記謝承漢書王粲

說略

卷之十三

二十四

英雄記河圖玉板孫盛魏春秋傳毅反都賦摯仲治  
三輔決錄注司馬彪續漢書管輅別傳陸機洛陽記  
語林石季倫金石詩集序文士傳晉中州記竹林七  
賢論傳暢晉書河南十二縣簿漢官典職鹽鐵論李  
尤平樂觀賦華嶠漢書東京賦晉宮閣名蔡邕月令  
章句洛陽地記百官志晉後略潘岳關中記皇甫士  
安高士傳列異傳春秋後傳三輔黃圖繁欽建章鳳  
樓闕賦漢武故事傅子燕丹子韓子曹瞞傳張衡溫  
泉賦世本關中圖劉向烈士傳常璩華陽國記漢中

記魯連子呂忱字林周斐汝南先賢傳信陽先賢畫  
讚春秋外傳馮衍顯志賦張顯逸民傳嵇康高士傳  
春秋佐助期郭緣生續述征記陳留志應德璉西征  
賦崔季珪述初賦從征記抱朴子玉策記鄒山記春  
秋孔演圖劉公幹魯都賦沈約宋書陸機行思賦尸  
子論語撰考識來攻本蜀論盛弘之荊州記郭景純  
江賦郭之美羅浮山記楊修五湖賦吳記神異傳樂  
資九州志庾仲雍漢記江記荊州圖副記嵇氏譜馬  
融廣成頌郭仲產襄陽記左吳八公記隋李充益州

說略

卷之十三

二五

記揚雄蜀都賦益部耆舊傳習鑿齒襄陽記宜都記  
周書武昌記玄中記袁休明巴蜀志武陵先賢傳林  
邑記范泰古今善言劉欣期交州記王氏交廣春秋  
楊氏南裔異物志俞益期牋尚書大傳交阯外域記  
宋沈懷遠南越志羅合湘中記工散始興記郭景純  
南郊賦孫放廬山賦雷次宗豫章記遠法師廬山記  
尋陽記錢唐記異苑越絕書萬善歷謝康樂山居記  
嵩高山記孫暢之述畫孫綽高士傳長沙耆舊傳京  
相璠春秋土地名晉輿地圖楚漢春秋裴淵廣州記

鄧德明南康記薛瓚漢書注

漢書中多用古字或假借用字暇日讀之因疏出以

資考覽酒讎數倍所從買家輒大讎之讎即售字蘇咸

陽之蘇呂竹皮爲冠之呂古以字公巨能入乎之巨即詎

項它之它羽亨周苛之亨漢王病創臥之創瘡疾

瘡之瘡甚亡謂也之亡地執便利之執擇寬惠修絜

者王齊荆地之絜規摹弘遠之摹欲除三族臯之臯

古罪字呂祿產顯兵秉政之顯徘徊往來之徘徊喋血

之喋當作喋西鄉讓者三南鄉讓者再之鄉未有慝志

說略

卷之十三

二十六

之慝嬗天下之嬗上下驩欣之驩祠官祝釐之釐音僂

施山澤之施無踐之踐也大紅小紅之紅功也罪人不

帑之帑農桑穀畜之穀繫也坐臧爲盜沒入臧縣官之

臧訾算之訾與貲同罔密文峻之罔受鬻之鬻即粥字氏

羗徠服天馬徠之徠待命加媢之媢雍於上聞之雍

東夷歲君之歲歲古歲字修天文檀之檀古禪字天地況施

之況罔駕之罔勃海之勃健仔之健仔或從女共養省

中之共蜀郡犇命之犇流庸之庸以叔粟當今年賦

之叔閭里奸邪之奸滅天下鹽賈之賈六藝之藝賜

功臣適後黃金之適音嬌鸞鳳萬舉蜚覽翱翔雉蜚集

於庭之蜚畜產大耗什八九之什海外有戡之戡媮

合苟從之媮殷周法行而姦軌服之軌與允同三光晻

昧之晻音暗婁敕公卿之婁正氣湛掩之湛與澆同甘延

壽陳湯橋發戊巳校尉屯田吏士之橋與矯同百姓劬

力自盡之劬待詔掖庭王檣之檣窮極幼眇之幼音嬰

黨與寔廣之寔又寔劇之寔天著變異以顯朕郵之

郵與尤同申敕百寮之寮即僚也票騎將軍之票未皇寧

息之皇義陵寢之寢捕蝗詣吏以石罍受錢之罍呼

說略 卷之十三 二十一

施之施辟靡之靡用力如此其躑難也之躑適戍之

適偏於戎狄之偏烏虜之虜姍咲三代之姍子弟爲

疋夫之疋厥角韻首之韻擲裴之擲即輒也輒之輒即輒也

泰山若厲之厲饗共巳之治之共音恭遴東布章之東

視化勸後之視與示同宓義之宓伏音敷五教之敷咎繇

作士之咎繇繇作朕虞之繇古益字牧橐昆蹠令丞之

蹠蹠粟都尉之蹠輯濯之輯與揖棹同亡懷氏之亡悔母

之悔即媿母也鬼吏區之吏史容聲相近泠淪氏之泠淪即伶倫也

又作泠淪簡邊之邊即秋字王兒之兒即倪字許繇之繇

又作泠淪簡邊之邊即秋字王兒之兒即倪字許繇之繇

由卽許劉縯之縯卽累末嬉之嬉卽莘有藝氏之藝卽莘中

胥之胥卽忽輪邊之邊卽扁粥拳之粥卽鬻祝佗之

佗何黃之何厥黨童子之厥尾生高之尾卽微生禽

屈釐之屈卽滑知過之過卽知伏戲之戲萬物棟通

之棟卽替秋鞵也之鞵燥溼之溼炮犧之炮哉生霸有

死霸之霸卽古桎人舉由而與之之桎之由莫善於

禮之善卽古宴娛之娛卽戲四極爰轅之轅卽臻雷震之

雷放悲之放悲卽弗典文匱武之匱專與萬物之專

少水零落之少須搖之搖卽史雙飛常羊之常羊卽徧

說略 卷之十三 三六

紛云之云寂漻之漻假狄合處之假卽退敦昆侖之敦

屯卽音鷄吉時之鷄卽翔熏鬻之熏卽育籊浮雲之籊卽躡

紛員之員巴俞之俞左止右止之止卽趾桔拳之拳

田晦之晦卽取或芸或芋之芋臧繩千萬之臧

必取澹焉之澹卽音官職耗廢之耗卽音底柱之底帶財

之帶卽音氏首仰給之氏卽音秋豪之豪鬻鹽之鬻卽音

大氏之氏卽音抵旗織之織卽音河東不辯之辯卽音

么錢之么元龜岨冉之岨卽音百姓俞病之俞卽音野有

餓芟之芟欲卷夏社之卷卽音冢內名山大川之冢

處羲之處音伏地螾之螾音虬僂人之僂音古齊之西竟

也之竟涉水之涉鴻漸于般之般搯擊之擊音古鴈音脆

亨上帝鬼神之鬻百姓叩望之叩膾食之膾音同宥音綴

高之宥音古崇音台三能之能音台畢春堂上之春音古燎音泰液

之泰后稷封於釐之釐音邵大王建於邾梁之邾音岐忽

明上通之忽音聰遙與輕舉之遙音古通音先馭之馭音驅天

下說憇之憇靡有解怠之解天墜之墜音地萬福降輯

之輯音與集音鶴體之體音古髓音毒冒之毒冒音玳瑁音二重音蛻之

重音即虹音衿衿北一星曰牽之牽音古轄音出入趣疾之趣作

說略 卷之十五 二十九

詔之詔音即詆音雲搏而崑銳之崑雷電輟重辟歷之輟

音即震音也辟歷音即霹音靂也音嘗俗之嘗音即誦音彝倫道叙之道音攸叶

用五紀之叶音叶艾用三極之艾音又數其旤福之旤音古禍

寧音盭仲舒之盭音與擊音同知人則愆之愆濫炎妄起之

炎音燄也音祝禮之禮音古詛音思曰睿之睿音古作音子贛之贛

音貢溷肴無別之肴王子鼂之鼂音即朝音宮門銅緩之緩

音與環音徹高后掖之掖音也頭有頰髮之頰墮水之墮見

巢難盡之難音古然音佞調之調音古詔音冬雷桃李華常與

之罰之奧音燠扇閉門戶之扇音與隔音蠅蠹有翼之蠅蠹

也 豕人立而噉之噉豕出園之園銜其脯之脯古金

刑僂之僂古射 無歟之歟射 王心弗戎之戎古堪

荒沈於酒之沈耽 襄山襄陵之襄古懷 厥棐織文之

棐與篚 大壑既豬之豬潞 蟪珠泉魚之泉暨 同瑶瓊篠

簞之瓊瓊 渠叟之叟搜 同甯曰五湖之甯古浸 五方雜

厝之厝古錯 四載小戎之四載駟鐵 淇奧之奧澳 貪

遴之遴吝 遭我虓虤之間之虤崑 臨留之留李冰鑿

離峯之峯古堆 湛白馬玉璧之湛寘決河之寘填 魚

弗鬱兮柏冬日之柏迫 漕船五百艘之艘艘 孔子篲

說略 卷之十二 三十

焉之篲標 大命之命禹 蹇鞞之鞞春秋說詁之詁妖

百藥齊和之齊劑 亭長樣船之樣臚 饌王離之饌古餉

相背之盪也之盪古辰 及其蠶之蠶鋒 諭謂布何

苦而反之諭遙 以畫奸澤之奸與干 狝糠及米之狝

古訛 筮足之筮古累 營或天子之營或榮惑 方洋天

下之方房 飴我釐薺之飴詒 歛歛訛訛之歛猥猥之

猥音 爰盎之爰袁 趣亨之趣促 上媯媯士之媯古侮

道引不食穀之道導 大王資侮人之侮古侮 司馬已

之已音 伏質之質鎮 蹢蹢廉謹之蹢蹢 握齷之握齷

之已音 伏質之質鎮 蹢蹢廉謹之蹢蹢 握齷之握齷

好荷禮之荷與荷 黽結之結髻 張旗志之志與

同 骹天下正法之骹古委 刺懷邪辟之計之刺專 事

刃之事本作 景嚮之嚮響 及目之及古側 僕邀不足

數之邀古速 噪諄之噪古叫 押至之押音 星莠於河

鼓之莠與莠 涕泣流芳萑蘭之萑蘭沈 出稱警入言

趣之趣躡 擬於天子之擬擬 梁孝王有鬻尊之鬻古

異物來啐之啐音 屈信之信伸 倒縣之縣懸 緹抱

之緹抱卽襪 妃色之妃配 趣中肆夏之趣趨 笞馮之

馮馮 頑頓之頓鈍 鬻者不可復屬之鬻古絕 取蟲成

說略 卷之十三 三十一

蠹之蠹古蚊 善司之司伺 數與虜确之确角 莫府之

莫古與幕 通用 吶口少言之吶訥 爰臂之爰儻 礪石武夫

之武夫礎 巴且之且苴 仰艸櫟而捫天之艸古攀

答選離支之離支卽荔 解薦之解薦獬 統楫羣元之

楫與集 小冠高廣財二寸之財與纜 小卞之卞弁 熏

輶天下之輶燎借 翎侯之翎翁 進孰之孰熟 石室金

鑽之鑽與匱 猶與之與豫 黨得削國之黨儻 負黼依

之依辰 買臣歌嘔道中之嘔與謳 蜉蝣之蝣蝣 水多

蠅魚之蠅蛙 館陶公主胞人之胞與庖 敖弄之敖傲



弁嚴子之弁即十也 鷩鷩之鷩脊 魁然無徒之魁讀曰塊

瑠瑠之瑠篆 囹圄之圄國 脛脛者未必全也之脛悻

奮輿低叩之輿古柚 豪彊執服之執讀曰慙 靡財單幣

之單殫 攝齋登堂之齋音容 後將軍數畫軍冊之冊策

以馬自佗負之佗馱 塹壘之塹塹 木樵之樵譙 避嫌

之嫌嫌風寒之所叵薄之叵偃 媼謾亡狀之媼情 漿

酒霍肉之霍藿 髡髡黃髮之髡髡 鬻茅作堂之鬻剪

規撫之撫摹 西曹地忍之地猶第也 敖盪之盪蕩 仿

佛一端之仿佛蠡氣之蠡鋒 尹翁歸字子兄之兄讀曰

說略 卷之十三 三十三

况 眉撫之撫媮 奕弱之奕軟 涌趨邪陰之趨躍 唯財

留神之財與裁同 盪滌濁濺之濺穢 庾索私屠酤之庾

搜 嫌退之嫌古謙 噉咷楚歌之咷音滌 直容之直但 踞

慢不遜攘之攘古讓 率意亡詈之詈古愆 犬馬齒哉

之哉羞 無怵愁憂之愁惕 壹关爲樂之关古笑 罷苑

之苑古苑 因江潭而淮記兮之淮往 蜚眉之眉古眉

上天之緯之緯載 兀華蹈衰之兀古掌 脈隆周之脈

卽覓 雲霏霏而來迎之霏古霏 西馳闐闐之闐與闐

揜象犀之揜古牽 紘中之紘古紘 騎京魚之京鯨 其

塵至矣之塵

古勒字

毆橐它之它

馳

分裂單于之梨

與勞

同

扶服蛾伏之蛾

與蟻同

棍於世俗之棍

同

時人皆習

之之習

與忽同

條侯至貴居也之居

與侶同

趙禹爲人廉

据之据

與侶同

義縱少溫籍之溫

韞

咸宣之咸

減

抱關

擊楫之楫

楫

山不摧葉之瞿

古桂字

千石魚波

讀曰

千

章之菽之菽

卽楸字

陳夏千畝黍之黍

漆

千畝厄茜之

厄

梘

醯醬千瓊之瓊

缸

跋鴟之跋

躡

熾膏之熾

與織同

藉友報仇之藉

古藉字

濯舩之濯

讀曰

麗山之麗

流

離之流離

卽瑠璃

裏誠秉忠之裏

古懷字

班倢仔蛾而大

說略

卷之十二

三十三

幸之蛾

與俄同

不畏疆圉之圉

墜

不隧如髮之隧

翼翼之疊

疊

恐獨良民之獨

囑

兒佞自臧之兒

古貌字

不與驕居之餌

卽節字

不與倖居之餌

業之悻

與肆同

蠱生民之蠱

古鮮字

桌取后之桌

吹中

穌爲庶幾之吹

肆

之穌

和

東叻之叻

古隣字

闍尹之咎

之咎

疵

耽耽汲汲之汲

滌

攜手遠秦之遠

遯

伏於海

鳴之鳴

鳥

善眩之眩

與幻同

烏秣國之烏秣

音鷄

翔實

之翔

卽詳字

戲下之戲

音麾

漢書所載地名多奇字後世讀之倉卒不辨今略記

之蒯成陪上音 擗音旬 汴陵上音直 南鄭下音貞 南奔下音普孝

反 膾遼 蓓兒即語兒 澆獲 投栩上丁活反 整屋音周至 釐

音 部 輒 譟上與狐同下 稜人上音璵 灑彊上音於 鮑陽上音

反 紂紅 隗與鞠同 藁古龍字 邸音徒 鄴音若么反 愁題上音

音 虹也 南緣下音良 櫟虜上音朔 鄴音若么反 愁題上音

字 莎 迺上音 杛音力 猊音由 輒即瓠字 睡音直 濊音哉 幟音堅 邾音夫

又音 扶 部 鄉上音吾 又音 魚 公猶上音仇 舍涯下音匡 佷山上音恒 盥

音 鷄反 咄音胡 郁駟上音屏下 母梭下音之 瞥音不 獠

道上音完 摺次上音子如 樸劔音蒲環 蒼松下音古 鱗得上音

說略 鹿 驪軒音遲 天依下音衣 樂涑下音官 大夏下音古 圖音銀 崱

郭 觥是上音倪 稠陽上音固 莫鯨音怛 淫陶上音注 庠奚上音

題 案音力 詁邯上音男 涓水上音普 羸樓音蓮 荀扇下音與

漏 同 麓冷音麋 朱戴下音鳶 滋荏音仕 埒音疑 高屎山上音屎

藥 曷 蓮勺音輦 徵錫音陽 解蟹音純 共蕩陰上音

湯 卷音去 權反 平輿下音豫 滇陽上音真 堵陽上音者 葉音涉 厲

曷 鄉上音頰 芍坡上音 又音 鵲 曩皐音柘 單父音善 東緡下音

曷 鄉上音頰 芍坡上音 又音 鵲 曩皐音柘 單父音善 東緡下音

句陽上音鉤龍亢下音剛鄆多音卽裴下音非劍音輪厝音趨脩音亦反

市上音條般音班琅槐下音回被陽上音疲於陵上音烏蛇丘上音

移下音工雲段下音工襄賁下音肥費音秘承音證故鄣下音章黜音伊

葭明下音萌縣虎下音斯卑水上音班味音昧葉榆上音涉反比

蘇上音二反且蘭上音聞反同竝下音伴宛溫上音元反母單

丹音無句町音挺枳音音抵氏道上音奚反浩疊音音合令

居上音連允街上音鈿番和上音盤乾齊上音干安俾下音卑烏

氏下音支祖厲音音賴眇卷音音卷月氏下音支略畔音音俗

圓音銀推邪下音嗟反窳渾下音魂桐過下音禾反桑乾下音干

說略 卷之十三 三十五

且如上音如反雒音音無令支上音音即定反無慮音音巫番

汗音音寒樂浪音音狼黏蟬下音提中留下音救反西捲下音權

辟陽上音壁脩音音條陽夏下音賈攸音音收承陽上音蒸蕃音音皮曲遇

反遇音音顯語兒上音御師古注云郡縣之名土俗各

有別稱不必皆依本字也

劉之遴傳云鄱陽嗣王範得班固所上漢書真本謂

今本諸王傳襍在諸傳中古本悉類項傳前又謂古

本漢書稱永平十六年五月二十一日巳酉郎班固

上而今本無之古本叙傳號中篇今本稱為叙傳載

班彪行事而古本云班生彪自有傳今本紀及表志傳不相合爲次而古本相合爲次總成三十八卷今本外戚傳在西域傳後而古本外戚傳在帝紀下今本韓彭英盧吳述云信惟餓隸布實黥徒越亦狗盜芮尹江湖雲起龍襄化爲侯王而古本述云淮陰毅毅伏劍周章邦之傑兮實惟彭英化爲侯王雲起龍襄古本第三十七卷解音釋義以助雅談而今本無此卷其不同如此所謂古本漢書乃蕭琛在宣城有北僧南渡惟齋一葫蘆中有漢書叙傳僧曰三輔耆說略

卷之十三

三十六

老相傳以爲班固真本琛固求得之其書多有異今者紙墨亦古文字多如龍舉之例非隸非篆琛甚秘之乃以餉鄱陽王見琛傳

本草神農書也中言豫章朱崖趙國常山奉高真定臨淄馮翊出諸藥物如此郡縣豈神農時所有邪山海經禹益書也中有長沙零陵桂陽諸暨如此郡縣豈禹時所有邪三墳伏羲神農黃帝書也然謂封拜之辭曰策策始於漢而謂伏羲氏有策辭可乎祭天地於圓丘大夫之妻曰命婦周禮始有之而謂天地

圓丘恩及命婦爲黃帝之事可乎相人之術起於衰  
世而謂聖人以形辯貴賤正賢否爲神農之書可乎  
三略六韜太公書也然其中雜援軍讖以足成之夫  
讖書起於戰國之後太公之時曾有之乎中略之末  
謂三略爲衰世而作太公之佐文武果衰世乎六韜  
中其言多誣聖賢之甚竊孫吳之陳而謂太公爲之  
乎爾雅周公書也然其中有云張仲孝友張仲宣王  
之臣也周公安得載之爾雅汲冢周書也其周月解  
則以日月俱起於牽牛之初夫自堯時日躔虛一度

說略

卷之一二

三二七

至漢太初曆始云日起牽牛一度何周月而乃爾時  
訓解則以雨水爲正月中氣夫自漢初以前曆皆以  
驚蟄爲正月中氣至太初曆始易之以雨水何時訓  
而云然子華子程本書也其語道德則頗襲老列之  
旨語專對則皆倣左氏之文是何彼此之偶合作聲  
訶似指漢武朱寫芝房之事喻子車復竊韓愈宗元  
墓銘之意是何先後之相俾蒼頡篇李斯作也其曰  
漢兼天下海內并廟豨黠韓覆畔討滅殘然則漢事  
何以載於秦書列仙傳劉向作也贊云七十四人出

佛經然則釋教何嘗興於漢前此類甚多或摹古書而僞作或以已意而妄增至使好事之流曲爲辯釋以眩其博是皆未之深考耳

梁武教諸王書令殿鐵石於大王書中榻一千字不重者每字一片紙襍碎無叙武帝召周興嗣謂卿有才思爲我韵之興嗣一夕編次進上鬚髮皆白而賞甚厚楊文公談苑云千字文云勅員外散騎侍郎周興嗣次韵勅字乃梁字傳寫誤耳當時帝王命令尚未稱勅至唐顯慶中始云不經鳳閣鸞臺不得稱勅說略

卷之十三

三十八

勅字之名始定於此也

檄書露布何所起乎漢陳琳草檄曹操見之頓愈頭風遂謂檄起於琳說文檄二尺書徐鍇通釋曰檄徵兵之書也漢高祖以羽檄徵天下兵有急則插以羽爾雅木無枝爲檄注檄擢直上也文心雕龍有張儀檄楚書隗囂檄亡新文文選有司馬相如喻蜀檄文則檄非自琳始也明矣隋禮儀志後魏每戰克書帛於漆竿上名露布世說桓宣武征鮮卑喚袁粲作露布倚馬手不輟筆俄成七紙如隋志世說所云則露

布起於後魏而晉因之然漢官儀凡制書皆彌封唯赦贖令司徒印露布州郡又漢書賈洪爲馬超作伐曹操露布則漢時已然及讀初學記引春秋佐助期曰武露布文露沉宋均云甘露見其國布散者人上武文采者則甘露沉重豈露布之義當取於此與

按漢書天子所下之書有四一曰策書注曰策者編簡也其制長二尺短者半之篆書起維年月日以命諸侯王公若三公以罪免亦賜策則用一尺木而隸書之又按唐百官志曰王言有七一曰冊書立皇后皇太子封諸王則用之說文云冊者符命也諸侯進受於王象其札一長一短中有二編之形當作冊古文作籒蓋策冊二字通用至唐宋後不用竹簡以金玉爲冊故專謂之冊也

說略

卷之十三

三十九

碑非文章之名也而陸機曰碑披文以相質按檀弓曰公室視豐碑三家視桓楹釋者曰豐碑斲大木爲之桓楹者形如大楹謂之桓植喪大記曰君葬四綽二碑大夫葬二綽二碑又曰凡封用綽去碑釋者曰碑桓楹也樹之於壙之前後以紼繞之間之輓轡輓



棺而下之用綽去碑者縱下之時也祭義曰祭之日君牽牲既入廟門麗於碑賈氏注曰宮廟皆有碑以識日影以知早晚又釋者曰麗繫也謂牽牲入廟繫著中庭碑也或曰以紉貫碑中也聘禮曰賓自碑內聽命又曰東西北上碑南釋者曰宮必有碑所以識日景引陰陽也考是四說則古之所謂碑者乃葬祭饗聘之際所植一大木耳而其字從石者取其堅且久也然未聞勒銘於上者今喪葬以石爲螭首龜趺洎丈尺品秩之制自堯舜夏商周之盛六經所載皆

說略

卷之十三

四十

無刻石之事管子稱無懷氏封泰山刻石紀功者出自寓言不足傳信又世稱周宣王蒐於岐陽命從臣刻石今謂之石鼓或曰獵碣洎延陵墓表俚俗目爲夫子十字碑者其事皆不經見司馬遷著始皇本紀著其登嶧山上會稽甚詳止言刻石頌德或曰立石紀頌亦無勒碑之說漢班固有泗水亭長碑文蔡邕有郭有道陳太丘碑文其文皆有序冠篇末則亂之以銘未嘗斥碑之材而爲文章之名也士衡未知何從而得之迨李翱爲高懸女碑羅隱爲三叔碑梅先

生碑則所謂序與銘皆混而不分集列其目亦不復曰文矣

漢書蒯通善爲長短說又邊通學短長應劭曰短長術興於六國時長短其語隱謬用相激怒也按張宴曰蘇秦張儀之謀趣彼爲短歸此爲長蓋戰國策本名短長書晉袁悅之元禮能長短說甚有精理止持戰國策言天下要惟此書是也又唐趙蕤有長短經其義可知也

岐山周篆以形製考之鼓也唐世諸儒以石鼓爲無說略

卷之十三

四十一

所據至謂田獵之碣蓋未知古自有制也歐陽永叔疑此書不見於古逮唐乃得於韓愈韋應物以其文爲雅頌亦恨不得在六經推大著說使學者肄業及之其驚潛動蟄特以其書畫傳爾第愈謂此爲宣王時應物以其本出岐周故爲文王鼓嘗考於古田獵雖歲行之至於天子大蒐徵會諸侯施大命令則非常事也故四王之後以爲絕典然則宣王蒐於岐山不得無所書或史失之其在諸侯國當各有記矣不應遂使後世無傳此其可疑也當漢之時見號奇字

如甄豐輩定作史籀書竇蒙以爲宣王獵碣而我車  
旣攻我馬旣同張懷瓘以此本車攻詩因考合前說  
且曰諷畋獵之所作也愈應物其書藉之則有据矣  
然爲諷爲美知其不得全於文義見也傳曰成有岐  
陽之蒐杜預謂還歸自奄乃大蒐於岐陽然則此當  
岐周則成王時矣方楚合諸侯中大蒐注禮者不知  
宣王嘗狩於岐以合諸侯况小雅所美其地本東都  
又選車徒無大號令則不得爲盛節古者詩書不嫌  
同文以此便謂宣王未可信也呂氏紀曰蒼頡造大

說略

卷之十三

四十二

篆後世知有科斗書則謂篆爲籀漢制八書有大篆  
又有籀書張懷瓘以柱下史始變古文或異謂之爲  
篆而籀文蓋以其名自著宣王世史所作也如此論  
者是大篆又與籀異則不得以定爲史籀所書叔向  
曰昔成王盟諸侯於岐陽楚爲荆蠻置茅絕當時以  
爲重禮故後世不得泯沒宣王蒐岐陽何後世遂無  
聞哉方成康與穆賦頌鍾鼎之銘皆番吾之迹然則  
岐陽惟成王大會諸侯則此爲番吾可知書言成湯  
狩於亳故後世有亳亭宣王狩於敖其在地紀則著

敖亭詩曰選徒於敖其事可以考矣周書紀年於蒐狩之大皆書則合諸侯而頒大命亦一見於成王此其可信也

古人以不朽者託之金石然古碑銘見於世者甚尠暇日閱酈道元水經注因略疏其所記陰山魏高聰撰講武碑崔浩勒宣時事碑龍門廟祠碑夏陽司馬子長墓漢陽太守殷濟立祠碑弘農石隄祠銘砥柱恬漠先生翼神碑洛陽河平侯祠碑首陽山夷齊廟漢河南尹陳導等立碑黎山碑濮陽鄧艾廟後秦洸

說略

卷之十三

四十三

州刺史彭超立碑溧陽城南沈州刺史劉岱碑太原晉都督并州太原成王之碑介子推廟碑介休蔡邕作郭有道碑宋子浚碑平陽堯廟碑汾水東原臺上堯神屋碑上谷長史侯相碑茲氏縣魏西河恭王司馬子盛廟碑敖城石門銘又滎口石門邊韶頌河隄銘滎陽郡守李勝祠石的銘定陶秦相穰侯魏冉墓碑丁昭儀墓碑酸棗漢令劉孟陽碑安民山漢冀州刺史王紛碑穀城項羽墓碣樂安任照先碑昌邑漢沈州刺史河東薛棠碑又沈州刺史茂陽楊叔恭碑

尚書右丞沈州刺史東太山成人班孟堅碑鉅野漢  
荊州刺史李剛墓碑鉅野有漢司隸魯恭冢石祠石  
廟壁刻書契以來忠臣孝子等形像字記獲嘉漢桂  
陽太守趙越墓碑汲縣太公廟晉汲令盧無忌立碑  
殷大夫比干冢銘又魏孝文爲比干立墓隧碑沁水  
石門銘野王縣孔子廟庭刺史高允立碑河內靜輪  
宮祗洹碑脩縣長魯國孔明碑銅鞮李熹墓碑鄴縣  
西門豹祠碑鉅鹿光武銅馬祠漳河神壇碑安平漢  
冀州從事趙徵碑魏冀州刺史丁紹碑獻帝南巡碑

說略

卷之十三

四十四

高氏山石銘靈山御射石碑曲陽恒山廟碑漢上谷  
太守議郎張平仲碑廣昌縣後魏太延御射碑吳太  
子子郎山碑又觸鋒將軍廣南廟碑涿縣晉康王碑  
范陽王司馬彪廟碑桑乾永固堂碑平城魏郊天壇  
碑太和殿階下碑廣陽魏征南將軍建城鄉景侯劉  
靖碑潞縣有劉靖造吳陵遏碑濡水燕元璽元年將  
軍步渾治盧龍道銘洛陽周冢碑緱氏司空密陵光  
侯鄭廟碑晉城門校尉昌原恭侯鄭仲林碑九山廟  
碑百蟲將軍顯靈碑琅邪太守潘茈墓碑子給事黃

門侍郎潘岳墓碑大石嶺後漢河南隱士通明立山  
堂碑伊闕魏黃初左壁銘右壁永康五年河南府尹  
開石銘梓澤裴氏墓碑灑水晉真人帛仲理墓碑弘  
農魏將作大匠毋丘興盛墓碑千金塢石人腹上勒  
記洛陽魏黃初茅茨堂碑漢上東門橋石柱銘望先  
寺碑太學漢靈帝刻五經石碑門外蔡邕刊定六經  
碑又魏正始立古篆隸三字石經碑魏文帝典論碑  
太學贊碑又陽嘉八年修太學碑晉太始辟雍行禮  
碑漢廣野君酈食其廟碑郁夷縣漢邠州刺史趙融

說略

卷之十三

四十五

碑渭水太公廟碑長安魏雍州刺史郭淮碑華岳廟  
後漢光和四年鄭縣令河東裴畢立碑華陰張景華  
岳碑漢文帝廟漢鎮遠將軍段熲修祠碑漢給事黃  
門侍郎張景自書碑又太康八年碑永興元年碑平  
阿侯王譚墓碑漢京兆尹司馬文預碑槐里安定梁  
巖冢碑劍閣張載銘南鄉縣晉順陽太守丁穆碑葉  
縣葉公子高諸梁廟魏正始中長陳晞立碑汝南張  
明府祠碑新蔡青陂廟碑因始孫叔敖碑平陽侯相  
蔡昭冢碑繁昌魏受禪六字生金碑項城魏刺史賈

達祠廟碑密縣漢弘農太守張德冢廟碑陳縣漢相  
王君造四縣邸碑扶溝漢司徒袁滂碑蜀郡太守袁  
騰碑博平令袁光碑晉中散大夫胡均碑漢溫令許  
續碑漢尚書令虞詡碑柘縣柘令許君清德頌漢光  
和陽種令許叔臺碑漢樂成陵令太尉掾許嬰碑苦  
縣老子廟漢桓帝令陳相邊韶作碑孔子廟陳相魯  
國孔疇建碑李母冢譙令長河王阜立碑譙縣漢中  
常侍長樂太僕特進費亭侯曹嵩碑漢潁川太守曹  
騰冢碑漢長水校尉曹熾冢碑漢謁者曹胤碑魏文

說略

卷之十三

四十六

帝故宅前壇大饗碑譙定王司馬士會冢碑漢幽州  
刺史朱龜墓碑山桑邑山桑侯文欽立碑文穆冢碑  
睢陽漢熹平君墓碑漢太傅掾橋載墓碑蒙城國相  
東萊王璋立仙人王子喬碑獲水漢故繹幕令匡碑  
徐州楚相漢司徒袁安碑楚相魏中郎徐庶碑陳留  
漢雍丘令董生立廣野君酈食其碑鄆縣單父令楊  
彥碑尚書郎楊禪碑睢陽晉太康九年梁王妃王氏  
陵碑漢太尉橋玄墓三碑豫州從事皇毓碑臨睢長  
左馮翊王君碑成陽堯陵成陽令管遵立碑伍員祠

碑羸縣季札子冢漢末奉高令立石銘無鹽縣東平  
憲王蒼冢碑曲阜孔林碑魯相陳君立有道兒君碑  
孔子廟漢魏以來七碑嶧山秦丞相李斯大篆勒銘  
湖陸度尚碑沛縣漢高祖廟碑泗水亭高廟碑泗水  
龔勝墓碣下邳司馬石苞鎮東將軍胡質司徒王渾  
監軍石崇四碑下相漢太尉陳球墓弟子管寧華歆  
立碑稷下梧宮臺石杜碑朱虛縣魏獨行君子管寧  
墓碑徵士邴原冢碑誌漢青州刺史孫嵩墓碑琅邪  
山秦始皇紀功德碑高密漢司農卿鄭康成冢碑安

說略

卷之十三

四十七

陽唐公祠碑沔縣北山鄒恢碑方山杜元凱碑襄陽  
晉太傅羊祜碑鎮南將軍杜預碑安南將軍劉儼碑  
樊城曹仁記水碑峴山有桓宣碑羊祜墮淚碑征南  
將軍胡罷碑征西將軍周訪碑宜城漢南陽太守秦  
頡墓碑冠蓋里刻石銘金城南門古碑武當縣華君  
銘陰縣魏縣令濟南劉熹碑闕林山銘郭先生輔碑  
沔水襄陽太守胡烈碑冠軍縣漢太尉長史邑人張  
敏碑魏征南軍司張詹墓碑涅陽左伯桃碑平氏縣  
南陽都鄉正街彈勸碑新野漢日南太守胡著碑湖



陽樊重碑若令樊萌碑中常侍樊安碑復陽淮源廟  
南陽郭苞立碑新息長賈彪廟碑魏汝南太守程堯  
碑贛榆山秦始皇碑魯陽漢杜仲長彭山碑漢安邑  
長尹儉墓碑渚水漢中常侍長樂太僕吉侯苞冢碑  
鄂縣崔瑗作張平子墓碑文魏車騎將軍黃權冢碑  
宛城范蠡祠碑八公山淮南王廟齊永明十年立碑  
宋司空劉劭廟碑華容交阯太守胡寵墓碑西戎令  
范尹之墓碑符縣女光終孝誠碑枝山荊州刺史陳  
留王子香祠石銘江夏晉征南將軍荊州刺史胡奮  
碑平南將軍王世將記征杜曾事石刻林邑夷書前  
王胡達碑冷道縣舜廟零陵太守徐儉立碑汨羅屈  
原廟碑漢南太守程堅碑南昌徐孺子墓太守南陽  
謝景立碑廬山上霄峯大禹刻石紀功碑餘杭顧廳  
碑范甯碑稽山秦始皇命李斯篆紀功石碑上虞縣  
令度尚使邯鄲淳作曹娥碑右此諸碑碣其見存於  
世不過百之一二耳之眾之蹟徒侈雄心漢水之沉  
莫徵遺勒永言千載能不依然乃知石有時泐名常  
不朽士之所重厥有在矣

張敦頤記六朝事蹟未有碑刻一門所載者吳孫皓封禪碑在宜興天璽三段石碑皇象書西平靖侯顏公大宗碑又平西靖侯顏府君碑俱顏真卿書在府學晉竺使君銘又頌俱在張陣湖宋謝濤夫人王氏墓記在土山淨名寺齊侍中巴東獻武公碑在黃城村梁始興忠武王碑徐勉造貝義淵書在黃城村梁安成康王碑劉孝綽撰貝義淵書在清風鄉甘家巷梁永陽昭王墓志銘徐勉造梁永陽敬太妃墓志銘徐勉造俱在清風鄉梁臨川靖惠王神道碑在北城

說略

卷之十三

四九

鄉梁侍中吳平忠侯蕭公神道碑在清風鄉花林村梁建安敏侯神道碑在鳳城鄉淳化鎮西梁上清真人許長史舊館壇碑陶弘景撰并書在茅山玉晨觀陳江總棲霞寺碑在攝山陳宮井闌題刻在法寶寺西隋平陳碑薛道衡撰文虞世南書在石頭城西明徵君碑唐高宗撰高正臣書在攝山栖霞寺大唐栖霞寺齋會記大唐寺栖霞寺律大師碑大唐重建開善寺記在蔣山寺大唐玉清觀四等碑陶巨莊書在崇禮鄉玉清觀墓上大唐沈傳師齋疏南唐徐鉉題

名在攝山千佛嶺大唐王法主碑劉禕之文在茅山  
崇玄觀大唐紫陽觀碑徐鉉文楊元鼎書唐玄靖先  
生李含光碑顏真卿撰并書大唐遙傷茅山孫尊師  
詩李德裕述裴質方書大唐三洞景昭大法師韋君  
碑陸長源文竇泉書并篆額大唐下洎官記王師簡  
文段令緯篆額大唐許真人井銘徐鉉文并書以上  
俱在茅山玉晨觀大唐白鶴廟記柳識文劉鳴素書  
在鴻禧院大唐義女碑李白文在溧陽縣僞吳興化  
院徐溫銅鐘鑄文在丹陽鄉香林寺僞吳釘石鑄文

說略

卷之十二

五十

在靖安鎮南唐方山寶華宮碑南唐洞玄觀請鍾記  
南唐寶華宮功德什物記以上俱在方山南唐李順  
公神道碑高越書南唐張懿公神道碑朱銑書俱在  
石頭城北南唐蔣莊武帝廟碑徐鉉撰朱銑書在蔣  
廟門外南唐易夫人墓志額在土山南唐李後主祭  
悟空禪師文并親書德慶堂三字在清涼寺南唐開  
善寺井記在蔣山寺南唐義井闌刻在石城後七里  
鋪南唐僧用虛題栖霞寺詩在千佛嶺景德栖霞寺  
殿記高陟撰在本寺景祐重造蔣廟碑陵陽景撰惠

烈廟記曹熙立蔣廟篆祭文蔣堂文部必篆以上俱  
在蔣廟道光泉記王安國撰八功德水記梅摯撰大  
平興國寺莊田記俱在蔣山蕭帝寺記元絳撰在法  
光寺一名鹿苑寺子隱堂記梅摯撰在法光寺白雲  
菴記王安國撰在栖霞寺宋齊丘鳳皇臺詩刻在保  
寧寺溧水長潘元卓校官碑在溧水縣

說略

卷之十三

五十一



